



PROF. MADYA DR. ARIFIN ABDU
Pengetua Kolej Tiga Belas

Assalamualaikum W.B.T. dan salam sejahtera.

Alhamdulillah, seinfiniti kesyukuran kepada Illahi atas limpah and kurniaNya kita masih lagi berpeluang membina ukhwah harmoni sebagai warga terpilih di Kolej Tiga Belas, Universiti Putra Malaysia. Semoga tali silaturahmi yang terbina kekal berpanjangan dan sentiasa diiringi rahmatNya.

Segunung tahniah buat anak-anak mahasiswa yang berjaya mendapat tempat di Universiti Putra Malaysia khususnya kepada para pelajar Asasi Sains Pertanian. Semoga kejayaan ini menjadi pemangkin untuk kejayaan seterusnya dalam alam university seterusnya meningkat kredibiliti anak-anak mahasiswa sebagai penuntut ilmu yang setia, maju dan berdaya saing di samping menerapkan ciri-ciri peribadi unggul dan elemen Kemahiran Insaniah (KI). Ilmu itu adalah anugerah hidup tidak ternilai harganya. Semoga keputusan untuk menjadi pelajar Universiti Putra Malaysia menjadi keputusan yang tepat dan diredai Allah S.W.T.

MAJLIS DEKLARASI KEPEMIMPINAN & INSPIRASI MAHASISWA

20 Mei 2018 – Majlis Deklarasi Kepimpinan & Inspirasi Mahasiswa telah diadakan di Dewan Putra 1, Kolej Tiga Belas. Majlis ini bertujuan untuk melantik ahli Majlis Tertinggi Mahasiswa (MTM) bagi sesi 2018/2019 di samping memberi penganugerahan kepada barisan MTM sesi 2017/2018 atas sumbangan dan komitmen yang telah diberikan. Sekalung tahniah dan jutaan terima kasih diucapkan. Semoga amanah dan tanggungjawab dapat dipikul dengan penuh ikhlas.



Ucapan daripada Presiden MTM
sesi 2018/2019



Watikah perlantikan Presiden MTM
sesi 2018/2019 oleh Presiden sesi
2017/2018



Penyerahan buku laporan
program sepanjang sesi
2017/2018



Ucapan daripada Ayahanda
Pengetua Kolej Tiga Belas

SINGGAH SAHUR TNC

8 Jun 2018 - Program singgah sahur Timbalan Naib Canselor Hal Ehwal Pelajar dan Alumni (TNC HEPA), YBhg. Prof. Dr. Mohd Roslan bin Sulaiman bersama pelajar Kolej Tiga Belas telah diadakan di Dataran Phoenix, Kolej Tiga Belas sekitar jam 4.00 pagi. Sebanyak lebih kurang 300 bungkusan makanan telah diagihkan kepada para pelajar dengan bantuan wakil Majlis Perwakilan Pelajar dan Majlis Tertinggi Mahasiswa Kolej Tiga Belas. Warga Kolej Tiga Belas mengucapkan jutaan terima kasih kepada YBhg. Prof. Dr. Mohd Roslan bin Sulaiman dan semua yang terlibat atas kesudian mengadakan program singgah sahur di Kolej Tiga Belas



Para pelajar
sedang
mendengar
ucapan
ringkas
daripada
TNC



TNC sedang
mengagihkan
bungkusan
makanan
kepada
pelajar
dengan
bantuan
Ayahanda
Pengetua

MINGGU SUAI KENAL PELAJAR ASASI SAINS PERTANIAN SESI 2018/2019

1 Jun 2018 – 7 Jun 2018 – Minggu suai kenal bersama pelajar baharu Asasi Sains Pertanian sesi 2018/2019 telah dijalankan selama seminggu. Minggu suai kenal diadakan bertujuan memperkenalkan Kolej Tiga Belas kepada pelajar baharu disamping mengeratkan silaturrahim antara satu sama lain. Terdapat pelbagai aktiviti yang menarik telah diadakan bersama mereka dengan bantuan ahli jawatankuasa pelaksana program mengikut perancangan yang telah ditetapkan. Diharapkan agar semua pelajar dapat mengenal pasti serta memahami segala hasil pembelajaran daripada aktiviti-aktiviti yang telah dijalankan.

Malam Bersama Pengurusan



Perarakan masuk Ayahanda Pengetua bersama barisan felo Kolej Tiga Belas



Barisan MTM sedang memberikan contoh *energizer* kepada para pelajar



Para pelajar bersemangat melakukan *energizer* sebelum majlis bermula



Ucapan daripada Ayahanda Pengetua



Ucapan daripada Presiden MTM sesi 2018/2019

Ice Breaking



Para pelajar sedang diberi taklimat mengenai aktiviti yang bakal dijalankan



Penerangan oleh ahli kumpulan mengenai aktiviti *ice breaking*



Para pelajar sedang tekun berbincang untuk menentukan rekaan bendera kumpulan

Malam Kebudayaan



Pelajar lelaki bersungguh-sungguh dalam menyampaikan persembahan mewakili blok kediaman



Penyampaian hadiah kepada pemenang oleh Felo Kolej Tiga Belas

Cheers War dan Malam Bersama Felo (En Hasan)



Para pelajar menyampaikan *cheers* kumpulan dengan penuh semangat



Seorang pelajar sedang mengibarkan bendera kumpulan



Felo Kolej Tiga Belas, En Hasan sedang memberi taklimat aktiviti kepada para pelajar

Malam Bersama Sekretariat



Pelajar sedang mendaftar mengikut sekretariat yang dipilih



Pengerusi Sekretariat Akademik sedang memperkenalkan sekretariat kepada para pelajar



Para pelajar mendengar penerangan yang disampaikan dengan penuh perhatian

LOOK EAST POLICY PROGRAM (LEP) 2018

27 Jun 2018 – 11 Julai 2018 - Universiti Putra Malaysia yang diwakili oleh 24 pelajar Kolej Tiga Belas telah menyertai Program Mobiliti Pengantarabangsaan *UPM-KYUTECH Look East Policy Program 2018 – 2nd Series*. Program ini melibatkan penyertaan yang berterusan di antara Universiti Putra Malaysia dan *Kyushu Institute of Technology*. Program ini melibatkan aktiviti pembelajaran secara kuliah akademik dan juga aktiviti lapangan selama hampir dua minggu. Impak yang diperolehi daripada program ini adalah penyerapan sifat dan budaya kerja berdisiplin masyarakat Jepun serta pengembangan kepada jaringan kerjasama antara dua buah institusi ini. Program ini juga memberi fokus kepada aktiviti yang berbentuk akademik dan juga kajian lapangan membabitkan bidang pengurusan alam sekitar dan teknologi tenaga boleh diperbaharui (*renewable energy*) yang merangkumi aspek sistem kitar semula, pengurusan sisa pepejal, dan adaptasi kejuruteraan dan bioteknologi dalam konsep kelestarian alam sekitar (*environmental sustainability*).



Kelas asas Bahasa Jepun bersama Ishikawa Sensei



Penerangan oleh Kota-san di Muzium Alam Sekitar Kitakyushu mengenai sejarah permulaan bandar Kitakyushu



Para pelajar sedang membentangkan tajuk masing-masing



Pelajar bergambar bersama-sama di bilik pameran Nissan

PROGRAM 3 MINUTES SPEECH BERSEMPENA MINGGU JALINAN MESRA

14 Julai 2018 – Sebuah pertandingan yang diberi nama *3 Minutes Speech* anjuran Majlis Tertinggi Mahasiswa dan pihak pengurusan Kolej Tiga Belas dengan kerjasama Bahagian Hal Ehwal Pelajar telah diadakan di Dewan Andromeda Kolej Tiga Belas. Program bicar tuntas ini telah melibatkan seramai 24 orang pelajar Asasi Sains Pertanian. Program ini diadakan adalah bertujuan untuk membina keyakinan diri para pelajar dalam memberi pendapat dan buah fikiran. Berikut merupakan para pemenang bagi pertandingan *3 Minutes Speech* :

Johan: Khaviraj Shekar

Naib Johan: Muhammad Jufri Firdaus bin Mahathir

Tempat ketiga: Vinanjali A/P Balachanthar



Para pemenang bergambar bersama Penolong Pengurus Kolej Tiga Belas, En Nazaruddin Ramli

Para peserta sedang menunggu giliran masing-masing



Para juri begitu tekun dan teliti dalam mendengar setiap intipati ucapan yang disampaikan oleh para peserta



Salah seorang peserta sedang menyampaikan ucapan mengikut tajuk yang telah diberikan